



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XXIX. Thesauria Dei divitiarum. Omnia cœli bona, ac dona veniunt
nobis per manus Mariæ.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XXIX.

Domus aurea gratiarum, Virgo Maria est.

PRæ omnibus totius terræ domibus materialibus, tem- Exordium.
plum Salomonis propriè domus aurea dici potest, non
quidem præcisè ideo, quia omnia in domo auro pu-
rissimo tecta erant, ut narrat liber tertius Regum
cap. 6. *Domum quoque ante oraculum operuit auro purissimo.*
Sed & ideo vel maximè, quia gratiosa ac aurea promissa huic
templo Deus obtulit. 2. Paralipom. cap. 7. *Oculi quoque mei
erunt aperti, & aures meæ erectæ ad orationem ejus, qui in
loco isto oraverit.* non aliâ utique de causâ, neque sine alio,
quàm ut cœlestes gratias ac dona supernaturalia orantibus in
loco isto impertiatur. Immaculatus Virginis Mariæ uterus
domus Dei, templum divini Salomonis est, quam virtus Al-
tissimi obumbravit, in quam supervenit Spiritus sanctus, quam
inhabitavit Filius Dei vivi, in quam Sanctum Sanctorum col-
locatum est, Domus hæc verè aurea, non ex eâ tantum ratio-
ne, quia undique auro purissimo charitatis ardentissimæ te-
cta, auro enim charitas non incongruè comparatur, quia
sicut aurum inter metalla primatum tenet, ita inter virtutes
major est charitas, Maria igitur supra omnes creaturas, su-
pra Cherubim etiam ac Seraphim, charitate in Deum ardentis-
sima, auro purissimo tecta Domus Dei aurea est, sed & ideo
quàm plurimum, quia illa ipsa gratiarum divinarum Domus
est, in quâ oculi Domini semper aperti, aures ejus semper
erectæ ad preces, ac intercessionem Virginis Mariæ, hæc solum
intentione, ut favores exhibeat, gratias largiatur, omni-
bus & singulis, pro quibus Virgo Mater exorat. Domum
hanc auream SS. Patres unanimiter collaudant, & gratias, SS. Patres.
quas inde susceperunt, grato animo recognoscunt. *Elemo-*
da *syna-*

- synaria Dei est Virgo Maria, omnes enim elemosinas & gratias, quas Deus de caelo in terram mittit, Matri sui sciendas committit, in tantum enim eam Deus dilexit, ut nihil nos habere voluerit, quod per manus ejus non transiret.* scribit Jacobus de Voragine in Mariali. serm. 4. litt. E. *Quidquid illud est, quod Deo offerre paras, Maria commendare memento, ut eodem alveo ad Larigitorum gratiam redeat, quo influxit.* suadet S. Bernardus. sermo de Nat. B. V. *Maria est thesaurus, quia in ea ut in gazophylacio reposuit Dominus omnia dona gratiarum, meritum, virtutum, & prerogativarum, donorum, & charitatum, & de hoc thesauro, largitur ipse larga stipendia suis militibus, & operariis.* perorat Richardus à S. Laurentio. de Laud. B. M. V. lib. 4. *Ipsa est locus thesaurorum Dei, Matth. 12. Bonus homo id est, Christus Deus & homo, de bono thesauro suo, id est, Virgine Mariâ, profert bona, scilicet misericordia, gratia, & gloria.* interpretatur B. Albertus Magnus. in Mariali. Evang. Mattheum. 22. *Penes te, ô Maria! sunt claves thesaurorum celestissimi filii tui, potesq; ut libuit aperire, ditareq; inopes Adâ filii, qui prostrati ante te, altis valde gemitibus, implorant misericordiam tuam, qua non habet finem, ô munificentissima Dispositrix.* loquitur Ven. P. à Jesu Mariâ. tom. 4. in epist. ad B. V. *O sancta, & sanctis sanctior, & omnis sanctitatis sanctissima thesaure!* exclamat S. Andreas Cretensis. Orat. 3. de Domit. B. V. de quo scilicet æger sanitatem, afflictus solatium, egrius auxilium, captivus redemptionem, peccator remissionem, mortuus vitam, pœnitentes in purgatorio animæ requiem æternam, ac Justii omnes Dei intuitionem fortissimè largire nobis gratiam Spiritûs S., quâ dignis Conceptibus aucta Domui appropinquemus.

CONCEPTUS I.

Confirma-
tio seu De-
ductio.

Postquàm Creator omnium universas terræ aquas in unum locum congregâisset, ut arida appareret, locum illum *Maria* appellavit. An non idem Virgini Genitrici Dedicatum

men *Maria* Deus dedit? dicente Idiotâ doctissimo. tom. 5. Biblioth. SS. PP. cap. 5. *Dedit tibi, ô Maria! tota Trinitas nomen.* Cur, quæso, Matrem suam, eodem, quo congregationes aquarum, nomine *Maria* Creator appellavit: *Congregationesq. aquarum appellavit Maria.* Gen. 1. cap. Omnes aquæ universæ terræ intrant in mare, sed ab eodem per absconditos aquæ ductus, & canales largiter diffunduntur in omnes orbis terræ partes; pari modo in locum unum, scilicet in Virginem Dei Matrem velut in mare omnes gratiæ confluunt, sed ab hoc eodem mari gratiarum per iterata auxilia, in Adæ filios, sine intermissione effluunt, unum ergo idemque nomen *Maria*, mari & Matri dare Creator voluit, quo insinua- ret, congregationes gratiarum esse in *Maria*, venire de *Maria*, & dari per *Mariam*. Ita interpretatur S. Antoninus, part. 4. tit. 15. cap. 4. §. 2. *Congregatis igitur omnibus gratiis sanctorum, in unum locum, scilicet in animam Virginis, appellavit eam Mariam, quasi mare gratiarum, omnia enim flumina intrant in mare, id est omnes gratia in Mariam.* Confirmat S. Joannes Damascenus. serm. de Dormit. B. V. *Per illam, in illâ, & cum illâ, omnia fieri decretum est.* & S. Germanus Patriarcha Constantinopolitanus. Orat. de Zonâ B. V. *Nullus est enim, qui salvus fiat, ô sanctissima! nisi per te; nemo est, qui liberetur a malis, nisi per te, ô purissima! nemo est, cui donum concedatur, nisi per te, ô castissima! nemo est, cujus misereatur gratia, nisi per te, ô honestissima! ô Domus aurea gratiarum, Virgo Maria!*

CONCEPTUS II.

Communi adagio aureum dicimus hominem, qui proximo suo, sine ullâ præviâ obligatione, ex mero amore, suavitate, & affabilitate, beneficia insignia exhibet; verè hic est aureus homo, inquit orbis: ex innatâ clementiâ, sine ullis nostris meritis, ex merâ charitate, & suavitate, nobis gratiam Dei, & remissionem peccatorum quæsit, & invenit

dd 2

Virgo

Virgo Dei Mater, annuntiante Archangelo Gabriele. Lucæ. 1. cap. *Invenisti gratiam.* nemo enim, nisi qui querit, invenire dicitur, si ergo invenit Virgo gratiam, quæsit, pro se ipsâ autem gratiam querere non potuit, quia aliunde iam gratiâ plena erat: Quàm igitur gratiam, & pro quo Maria quæsit? Gratiam Dei, quam inobedientiâ suâ, toti humano generi protoparentes nostri deperdiderunt, obedientiâ suâ Virgo Deipara pro omnibus quæsit, & Angelo annuntiate invenit. Loquatur Richardus de S. Victore cap. 26. in Cant. *Tanta fuit beata Virginis charitas, ut non solum ad ejus gentem, Judæos videlicet, extenderetur, sed ad ignotas & notas, ad omnes denique homines, ad hos omnes charitas ejus dilata fuit, pro his sollicita fuit, pro his orando exaudita fuit, pro his indefinenter oravit, dicente ad eam Angelo Gabriele: invenisti gratiam apud Deum: scilicet quam quærebas.* Domus verò aurea Virgo.

CONCEPTUS III.

Non solum invenisse gratiam, Mariæ annuntiat, sed etiam superventurum in eam Spiritum sanctum prædicit: *Spiritus sanctus superveniet in te.* Lucæ. 1. cap. Spiritus S. dator gratiarum est, ad quid ergo superveniet in gratiâ plenam? quærit S. Bernardus, serm. de Nat. B. V., & respondet, ut superplena fiat, ut de gratiâ superfluente & superplena, salutem hauriant omnes homines, & desideratam colligant felicitatem, invitati ab ipsâ. Eccles. 24. cap. *Apud me est spes vitæ & virtutis, qui me invenerit, inveniet vitam, & hauriet salutem à Domino.* Sed & verba mellistui Doctoris percipiamus. *Angelus in eam superventurum asserit Spiritum sanctum, ad quid putas, nisi ut etiam superimpleat eam? ad quid, nisi ut adveniente iam spiritu plena, sibi eodem superveniente, nobis quæret superplena. & superfluens fiat? ipsa nempe Mediatrix nostra ipsa est, per quam suscepimus misericordiam tuam Domine,*

per quam & nos Dominum Iesum in domos nostros excipimus, de Domo aureâ Mariâ Virgine.

Gratias itaque omni statui necessarias humiliter flagitemus de hâc Domo, oratione illâ efficacissimâ, quam ipse Christus, proprio ore dictavit in regulâ Salvatoris. *Oramus te, piissimâ Virgo Maria, mundi Regina, & Angelorum, ut eis, quos purgatorius examinat ignis, impetres refrigerium, peccatoribus indulgentiam, justis in bono perseverantiam, nos quoque fragiles, ab instantibus defende periculis. Amen.* Epilogus.

*Laus Christi Matris, quòd sit Domus aurea
Patris,
De quâ nempe Domo, dona reportat homo.
Atque ideo de mari, vult Virgo Maria
vocari,
Cedat ut in donum, quod parit illa bonum.*



dd 3

DI.